

Visot maid dárbbahat diehtit válggaid birra 2026

Makkár válggat leat?

Sotnabeaivvi čakčamánu 13 beaivvi 2026 leat válggat riikabeaivái, regiovdna- ja gielddadievasčoahkkimii. Sajit riikabeaivái, regiovdna- ja gielddadievasčoahkkimii juhkkovjuvvo du ja visot iežáid jienaid vuodul.

- Riikabeaivi mearrida earret iežá makkár lágat galget leat fámus Ruotas.
- Regiovdnadievasčoahkkin mearrida earret iežá buohccedivššu ja báikkálašjohtolaga birra.
- Gielddadievasčoahkkin mearrida earret iežá skuvlla ja boarrásiiddivššu birra.

Gos ja goas sáhtán jienastit?

Don sáhtát jienastit ovdagihtii borgemánu 26 beaivvis gitta válgabeaivái čakčamánu 13 beaivái. Don sáhtát jienastit váikko makkár báikkis ovdagihtii jienasteapmái miehtá riikka. Válgabeaivi čakčamánu 13 beaivvi don sáhtát jienastit iežat válgalanjas mii čužžo du jienastangoarttas. Dieđut visot válgalanjaid birra gávnnat siiddus val.se.

Sáhtán go jienastit olgoriikkas?

Jus leat olgoriikkas de sáhtát jienastit reivve bokte dahje ovdagihtii jienastit mánggaid ruota ambassádain dahje konsuláhtain. Reivejienasteapmái dárbbahat sierra materiála. Dan dingot Válgaeiseválddis, gielddas, ambassádain dahje konsuláhtain.

Jiena sáhtá sáddet olgoriikkas áramusat suoidnemánu 30 beaivvis. Don sáhtát jienastit ovdagihtii ambassádain dahje konsuláhtain áramusat borgemánu 20 beaivvi.

Jus don leat olgoriikaruottelaš (ii leat šat álbmotčálíhuvvon Ruotas) oáččut reivejiena-

stanmateriála ja olgoriikajienastangoartta boasttain jus dus lea ođasmahtton čujuhus Vearrodoa-immahagas. Jus dus lea ruota digitála reiveleodá de oáččut iežat olgoriikajienastangoartta sihke digitálalaččat ja báhpira nalde.

Makkár válggain beasan jienastit?

Iežat jienastangoarttas gávdnojit dieđut makkár válggain dus lea jienastanvuoigatvuohta. Jienastangoartta oáččut iežat digitála reiveleodái dahje báhpira nalde boastta mielde.

Dus lea jienastanvuoigatvuohta riikabeaivvis jus leat:

- 18 jagi maŋemusat válgabeaivvi,
- ruota álbmotlahttu ja
- leat dahje leat leamaš álbmotčálíhuvvon Ruotas.

Jus leat johtán olgoriikii ja it šat leat álbmotčálíhuvvon Ruotas dárbbahat dieđihit iežat jienastuslohkui juohke logát jagi vai oáččut olgoriikajienastangoartta ja jienastanmateriála Válgaeiseválddis.

Dus lea jienastanvuoigatvuohta regionála- ja gielddadievasčoahkkimiin jus don leat:

- 18 jagi maŋemusat válgabeaivvi,
- ruota álbmotlohttu ja leat álbmotčálíhuvvon gielddas dahje regionnas

dahje

- álbmotlahttu soames EO:a miellahttoriikkain dahje álbmotlahttu Islánnas dahje Norggas ja leat álbmotčálíhuvvon gielddas dahje regionnas

dahje

- álbmotlahttu soames riikkas mii ii leat namuhuvvon dás bajil,
- dahje leat stáhtaheapme, ja leat leamaš álbmotčálíhuvvon Ruotas daid golbma maŋemus jagiid ovdal válgabeaivvi ja leat álbmotčálíhuvvon gielddas dahje regionnas.



Maid mon dárbbahan váldit mielde?

Don dárbbahat váldit mielde id-duođaštusa. Jus dus ii leat id-duođaštus ja jietnavuostáiváldi ii dovdda du, de okta iežá olmmoš sáhtá duođaštit du identitehta. Olmmoš guhte duođašta du identitehta dárbbaha vuosehit iežas id-duođaštusa. Jienastanlihput ja válgareiveolgoža gávdnojit visot sajiin gos sáhtát jienastit.

Got jienastan?

Válgajienastanlanjas válljet válgalihpuid daid sierra válggaide. Don válddát ovttá válgalihpu juohke válgii masa áiggut jienastit. Válgalihpuin riikabeaivái, regiovdna- ja gielddadievasčoahkkimii leat sierra ivnnit.

Válgalihput leat:

- fiskadat válgii riikabeaivái
- alit válgii regiovdnadievasčoahkkimii ja
- vielgadat válgii gielddadievasčoahkkimii.

Válgalihput gávdnojit visot sajiin gos sáhtát jienastit.

Jienastit bellodaga

Jus don maid háliidat jienastit ovttá bellodaga evttohasaide de sáhtát bidjat ruossa ruktái evttohasa nama ovdabealde válgalihpus. Don sáhtát dušše merket ovttá evttohasa. Don sáhtát maid jienastit persovvna jus čálát bellodaga nama ja evttohasa nama guorus válgalihppui.

Don galggat leat okto go válddát válgalihpu ja šearpma duogis go válbmet iežat jiena. Du jienasteapmi lea čiegus.

Jienastit persovvna

Jus don maid háliidat jienastit ovttá bellodaga evttohasaide de sáhtát bidjat ruossa ruktái evttohasa nama ovdabealde válgalihpus. Don sáhtát dušše merket ovttá evttohasa. Don sáhtát maid jienastit persovvna jus čálát bellodaga nama ja evttohasa nama guorus válgalihppui.

Don galggat leat okto go válddát válgalihpu ja šearpma duogis go válbmet iežat jiena. Du jienasteapmi lea čiegus.

Sáhtán go oažžut veahki jienastemiin?

Jus dus lea doaibmahehttehus dahje jus iežá sivaid dihte dárbbahat veahki, sáhtát oažžut veahki jietnavuostáiváldis. Jietnavuostáiváldiin lea jávohisvuodageasku ja ii oačču muitalit geasage maid don leat jienastan. Don oaččut maid váldit veahki iežá olbmos muhto de jietnavuostáiváldi maid ferte leat mielde.

Gávdnojit dieđut válgalanjaid beasatlašvuodaid birra siiddus val.se Don sáhtát maid váldit oktavuoda iežat gielddain oažžut dieđuid jus gávdnojit veahkkeneavvut du válgalanjas.

Jus dárbbahat čuokkesčálamateriála de sáhtát diŋgon dan Válgaeiseválddis. Sáhtán go oažžut veahki jienastemiin? (Kan jag få hjälp med röstningen?).

Got sáhtán jienastit jus in beasa válgalatnjii?

Jus dus lea váttis beassat válgalatnjii jienastit ovdamearkka doaibmahehttehusa dihte, de sáhtát váldit veahki sáttáolbmos mii dolvo du jiena válgalatnjii. Jienastit sáttáolbmuin de dárbbahat sierra materiála man diŋgot gielddas dahje Válgaeiseválddis.

Don sáhtát maid oažžut veahki jietnavuostáiváldis mii boahtá du lusa ja váldá vuostá du jiena, dat gohččoduvo johtti jietnavuostáiváldin. Váldde oktavuoda du gielddain eanet dieđuid oažžut.

Diehtujuohkin got sáhtát jienastit sáttáolbmuin dahje johtti jietnavuostáiváldiin gávnnat siiddus val.se ja du gielddas.

Gos gávnnan eanet dieđuid válggaid birra 2026?

Siiddus val.se gávdno visot maid dárbbahat diehtit ovdal válggaid 2026. Das gávdno maid diehtu álkeslohkan ruotagillii, seavagillii ja iežá gielaide.